

**UCAPAN ALU-ALUAN
KETUA PENGARAH ALAM SEKITAR
DI MAJLIS PERASMIAN BANGUNAN EIMAS**

Tarikh : 2 April 2002
Masa : 9.30 pagi

Bismillahirrahmanirahim,

Yang Berhormat Dato' Seri Law Heng Ding
Menteri Sains, Teknologi dan Alam Sekitar Malaysia

Yang Berbahagia Profesor Dato' Dr. Mohammed Noor Embi
Timbalan Naib Canselor (Hal Ehwal Pembangunan)
Mewakili Naib Canselor
Universiti Kebangsaan Malaysia

Yang Berbahagia Tuan Haji Johar bin Murad
Timbalan Ketua Setiausaha (Operasi)
Memangku Ketua Setiausaha
Kementerian Sains, Teknologi dan Alam Sekitar

Yang Berbahagia Dr. Hashim bin Hassan
Timbalan Ketua Setiausaha (Dasar)
Kementerian Sains, Teknologi dan Alam Sekitar

Yang Berbahagia Dato' Kok Wee Kiat
Pengerusi
Majlis Kualiti Alam Sekeliling

Yang Berusaha
Encik Hashim bin Daud
Pengarah
Institut Alam Sekitar Malaysia

Y.Bhg. Tan Sri-Tan Sri, Dato'-Dato', Datin-Datin, tuan-tuan dan
puan-puan yang saya hormati.

Assalamualaikum warahmatullahir wabaraktuh,

Syukur alhamdulillah, di pagi yang mulia ini kita dapat
bersama-sama untuk menyaksikan satu majlis yang begitu
bermakna bagi Jabatan Alam Sekitar.

Terlebih dahulu saya ingin mengucapkan ribuan terima kasih
kepada Y.B Dato' Seri Law Heing Ding, Menteri Sains,
Teknologi dan Alam Sekitar yang sudi melapangkan masa
untuk bersama-sama kita pada pagi ini. Saya juga

mengucapkan setinggi terima kasih kepada semua hadirin yang sudi menerima undangan Jabatan Alam Sekitar untuk hadir pada Majlis ini.

Majlis pada pagi ini adalah untuk merasmikan bangunan serta Logo Institut Alam Sekitar Malaysia atau Environment Institute of Malaysia. Ini merupakan satu lagi titik sejarah bagi kami di Jabatan Alam Sekitar. Institut ini melambangkan kesungguhan Jabatan dalam usaha-usaha kami untuk meningkatkan lagi keupayaan dan kepakaran tenaga kerja dalam pengurusan alam sekitar.

Institut ini diharap akan juga memainkan peranan penting dalam bidang-bidang tertentu yang boleh menyumbang memantapkan lagi usaha-usaha kearah pemuliharaan alam sekitar secara lestari (sustainable development), demi kepentingan negara di masa hadapan.

Diperingkat permulaan, Institut ini dianggotai oleh 13 pegawai/kakitangan sepenuh masa. Mereka mula bertugas pada tanggal 1 Ogos, 2001. Program-program latihan bagi pelbagai jurusan pengurusan alam sekitar telahpun diatur dan

bermula semenjak awal tahun 2002 ini. Latihan-latihan ini dikendalikan sendiri oleh pegawai-pegawai kanan Jabatan Alam Sekitar yang telahpun sebelum ini dilatih dibawah program 'train the trainers'. Kini Jabatan Alam Sekitar mempunyai tenaga pengajar yang dapat melaksanakan program-program latihan bagi pegawai/kakitangan JAS secara intensif dalam jangkamasa pendek.

Harapan kami ialah supaya Institut ini akan terus berkembang maju di dalam memberi khidmat latihan dan kepakaran pengurusan alam sekitar bagi mana-mana pihak yang memerlukannya termasuk agensi-agensi lain, badan-badan sukarela alam sekitar serta juga pihak-pihak swasta dalam dan luar negara.

'Our vision and hope is to be a Center of Excellence in Environmental Management in the Country'

Tan Sri, Dato-Dato, Tuan-tuan dan puan-puan,

Di pagi yang bersejarah ini saya bagi pihak Jabatan Alam Sekitar ingin merakamkan terima kasih kami yang tidak

terhingga kepada pihak UKM di atas sumbangan dan kerjasama yang diberikan dalam menubuhkan Institut ini. Sumbangan UKM yang membenarkan kami mendirikan bangunan di kampus UKM amat bermakna sekali dan insya Allah akan kami munafatkan sebaik mungkin. Semoga UKM dan JAS dapat menjalinkan satu kerjasama padu ke arah mempertingkatkan lagi kepakaran kita dalam usaha-usaha mencegah pencemaran, memperluaskan kesedaran dikalangan orang ramai dan sebagainya. Untuk itu sebentar lagi kita akan juga menyaksikan tandatangan satu lagi memorandum persefahaman antara UKM dengan JAS.

Pembinaan bangunan di tanah yang keadaan tapak yang tidak rata dan amat bercerun merupakan satu cabaran dan untuk itu saya ~~ingin~~ mengucapkan syabas dan ribuan terima kasih kepada Jabatan Kerja Raya yang dari mula-mula lagi telah terlibat secara langsung dalam merekabentuk dan mengawasi pembinaan Institut ini yang telah dapat disiapkan dalam tempoh 2 tahun. Saya juga ingin mengambil kesempatan ini untuk megucapkan setinggi terima kasih kepada Ahmad Zaki Sdn. Bhd., kontraktor utama yang bertanggungjawab membina bangunan ini, dan terima kasih juga kepada semua pihak lain

yang tidak dapat saya sebutkan kesemuanya nama-nama mereka di sini yang terlibat secara langsung atau tidak dalam merealisasikan Institut Alam Sekitar yang dapat kita banggakan ini.

Akhirnya, saya sekali lagi mengucapkan terima kasih kepada semua yang hadir dan pegawai-pegawai dari Jabatan Alam Sekitar yang telah bertungkus lumus untuk menjayakan majlis pada pagi ini.

Sekian terima kasih.